

永樂北藏



永樂北藏

趙樸初題



江苏工业学院图书馆
藏书章

永樂北藏第一八冊目錄

○道行般若波羅蜜經	續前	(本冊卷第八至卷第十)	淡八—十)	一
○小品般若波羅蜜經	十卷	姚秦鳩摩羅什譯	(鱗一—十)	六七
○摩訶般若波羅蜜鈔經	五卷	苻秦曇摩蜊共竺佛念等譯	(潛一—五)	二九三
○大明度無極經	六卷	吳支謙譯	(潛六一—十)	四一九
○勝天王般若波羅蜜經	七卷	陳月婆首那譯	(羽一—七)	五四九
○金剛般若波羅蜜經	三卷	姚秦鳩摩羅什等三譯	(羽八—十)	七二三
○能斷金剛般若波羅蜜多經	二卷	唐玄奘等二譯	(翔一—二)	七八一
○金剛能斷般若波羅蜜經	一卷	隋笈多譯	(翔三)	八二三
○佛說濡首菩薩無上清淨分衛經	二卷	劉宋翔公譯	(翔四—五)	八四五
○仁王護國般若波羅蜜經	二卷	姚秦鳩摩羅什譯	(翔六—七)	八八七
○實相般若波羅蜜經	一卷	唐菩提流志等譯	(翔八)	九二七
○摩訶般若波羅蜜大明咒經	一卷	姚秦鳩摩羅什譯	(翔八)	九三七
○般若波羅蜜多心經	一卷	唐玄奘譯	(翔八)	九三九
○文殊師利所說摩訶般若波羅蜜經	一卷	梁曼陀羅仙譯	(翔九)	九四一

○文殊師利所說般若波羅蜜經 一卷 梁僧伽婆羅譯 (翔十) 九六九

○華嚴經 卷第一 華嚴經 卷第二 九七〇

○普賢菩薩行法華經 一卷 普賢菩薩行法華經 九七一

○法華經 卷第一 法華經 卷第二 九七二

○維摩詰經 卷第一 維摩詰經 卷第二 九七三

○金剛經 卷第一 金剛經 卷第二 九七四

○妙法蓮華經 卷第一 妙法蓮華經 卷第二 九七五

○觀世音菩薩普門品 一卷 觀世音菩薩普門品 九七六

○大智度論 卷第一 大智度論 卷第二 九七七

○華嚴經 卷第一 華嚴經 卷第二 九七八

○小品般若經 卷第一 小品般若經 卷第二 九七九

○鼓吹經 卷第一 鼓吹經 卷第二 九八〇

道行般若波羅蜜經卷第八

淡八

後漢月支三藏支婁迦識譯

真高品第二十一

佛語阿難菩薩隨時欲學般若波羅蜜隨法
欲行般若波羅蜜是時一佛界中魔各各驚

淡八

自念言欲使菩薩中道得阿羅漢果若疾使
得阿耨多羅三耶三菩疾使得佛復次阿難
弊魔愁毒為憂見菩薩習行於般若波羅蜜
復次阿難是時諸弊魔四面放火風恐怖是
菩薩若令畏懼衣毛當起使心一反亂念轉

永樂北藏

道行般若波羅蜜經

第一八冊

復佛語阿難魔不遍行亂菩薩若有行亂者
有不行亂者阿難白佛言何等菩薩為魔所
亂佛語阿難若有菩薩聞深般若波羅蜜不
樂者弊魔便行往壞復次阿難若有菩薩聞
深般若波羅蜜心疑者自念若有是無有耶
如是阿難是菩薩為弊魔所得便復次阿難
若有菩薩遠離於善師是菩薩所聞般若波
羅蜜深事不欲聞也亦不了也亦不知也何
因守般若波羅蜜用是故阿難是菩薩弊魔
所得便者復次阿難若有菩薩與惡師從事

永樂北藏

道行般若波羅蜜經

第一八冊

用是故弊魔得菩薩便是菩薩言正是我所
善師也當成我所願餘多有菩薩非我善厚
也用是故弊魔得菩薩便復次阿難聞是深
般若波羅蜜時教餘菩薩用是爲學用是爲
寫我尚不了其事汝能了耶若有時菩薩與
異菩薩轉相輕易言我所行是也汝所行非
也爾時諸弊魔歡欣踊躍是時弊魔便作異
被服像來嘆菩薩言汝於某國生某種姓家
是菩薩聞是語便輕易餘成就不貢高菩薩
是貢高菩薩功德薄少無阿惟越致相也是

菩薩於阿惟越致中功德少自貢高輕餘菩
薩言卿不及我所行用是故弊魔大歡欣言
今泥犍禽獸辟荔墮者不少弊魔當復增其
念所語所說多有信用者聞之者無不隨其
言者作是學者瞋恚益增心所作爲顛倒用
是故身口心所作爲輒反用是故其人在泥
犍禽獸辟荔中罪益增用是故弊魔大歡欣
踊躍無有極也若求菩薩道家與求羅漢道
人共諍爾時弊魔自念菩薩離薩芸若遠雖
遠亦不大遠菩薩又與菩薩共諍爾時弊魔

念言兩離佛遠佛語阿難未得阿惟越致菩薩與阿惟越致菩薩共諍罵詈阿惟越致菩薩是菩薩罵以隨心所念轉懷怨恨心一轉念輒却一劫菩薩雖有是惡念不捨薩芸若却無數劫極甫當更復從發意起阿難白佛言心所念惡寧可得中悔不當乃却就爾所劫乎佛語阿難於我法中廣大極可得悔佛語阿難若有菩薩念惡有恨自歡欣復語他人是人不可復使悔也若有菩薩若罵詈瞋恨自念咄我所作無狀後終不敢復作是復

自考責人道難得用是故悉當忍於人何況乃當與人共諍言乎我當爲十方人作橋令悉蹈我上度去我有是意寧當復與人共諍耶住立當如聲羊諸惡悉當忍諸惡悉不當犯我作佛時悉當安十方人得般泥洹我不復與人共諍瞋恚於人爲用羅漢道故阿難白佛言菩薩菩薩自相與共止法當云何佛語阿難菩薩菩薩轉相視當如視佛心念言共一師共一船共一道是所學我亦當學如是若有餘菩薩欲喜學阿羅漢辟支佛道若

與從事設有是人者我不與從事其有世世欲求佛道者當與相隨如是學爲共一法學學品第二十二

須菩提白佛言菩薩學無常爲學薩芸若學無所生爲學薩芸若學去離淫爲學薩芸若學滅爲學薩芸若佛語須菩提汝所問學無常爲學薩芸若者於須菩提意云何是怛薩阿竭本無隨因緣得怛薩阿竭本無字寧有盡時不須菩提白佛言不佛語須菩提爲學薩芸若如是學爲學般若波羅蜜如是學爲

學怛薩阿竭陀爲學力爲學無所畏爲學諸佛法菩薩學如是者悉行諸學法菩薩摩訶薩作是學魔及魔官屬不能中道壞也菩薩如是學爲疾得阿惟越致菩薩如是學者爲疾近佛樹下坐菩薩如是學爲悉學佛道菩薩如是學爲習法也菩薩如是學爲極大慈哀如是爲學等心菩薩學如是三合十二法輪爲轉菩薩學如是爲學滅度十方天下人菩薩學如是爲學甘露法門佛語須菩提不懈怠人乃能學是作是學爲學十方天下人

道也菩薩學如是者不入泥犁禽獸辟荔中也菩薩學如是終不生邊地如是學不復生愚癡貧窮中如是學不復盲聾瘡癰偻如是學為不毀十戒也如是學為不隨解除卜問也如是學遠離不持戒人也菩薩如是學不願生尼惟先天上也何以故菩薩有漚沍拘舍羅故般若波羅蜜何等漚沍拘舍羅從般若波羅蜜中出漚沍拘舍羅持漚沍拘舍羅威神入禪不隨禪法菩薩學如是為得淨力為得無所畏力為得佛法淨力須菩提白佛

法八

四

言佛所有諸法本皆淨何等為菩薩得法淨佛語須菩提菩薩學如是為學無所得淨法諸法淨如是須菩提菩薩行般若波羅蜜時不悔不厭是為行般若波羅蜜未得道者愚癡不曉是法不見是事菩薩用人故常精進人見我亦當効我精進用是故菩薩得力精進無所畏菩薩作是學悉知十方天下人心意所念無能過者譬如地出金銀少所處出耳如是須菩提少所人隨般若波羅蜜法教學譬若須菩提少所人索遮迦越羅處索小

永樂北藏

道行般若波羅蜜經

第一八冊

國王多如是須菩提少所人隨般若波羅蜜
法教學從是中多索阿羅漢辟支佛者有初
發意菩薩少有隨般若波羅蜜教者既有學
般若波羅蜜少有得阿惟越致者菩薩當作
是念我當力學慕及阿惟越致復次須菩提
菩薩摩訶薩行般若波羅蜜不持瞋恚意向
法入五
人不求他人短心無慳貪心不毀戒心不懷
恨心不懈怠心不迷亂心不愚癡時菩薩學
般若波羅蜜時諸波羅蜜皆悉屬學般若波
羅蜜為照諸波羅蜜為悉入諸波羅蜜學般

若波羅蜜為具足餘波羅蜜譬如人言是我
所便外著十二品如是須菩提菩薩學般若
波羅蜜諸波羅蜜皆悉屬譬如須菩提人死
時命盡身諸根悉滅如是須菩提菩薩學般
若波羅蜜為學諸波羅蜜皆悉屬菩薩欲學
度諸波羅蜜當學般若波羅蜜菩薩欲學般
若波羅蜜為學無極於須菩提意云何一佛
界中所有人寧多不須菩提報佛言甚多佛
言若有菩薩供養一佛界中乃爾所人供養
自盡壽命其福寧多不須菩提白佛言甚多

佛語須菩提不如菩薩守般若波羅蜜如雨
指相彈頃佛語須菩提般若波羅蜜極尊用
是故疾得佛如是須菩提菩薩欲得阿耨多
羅三耶三菩爲十方人中獨尊終視十方貧
窮孤獨者欲得求佛境界者欲得佛智慧所
樂者欲得如師子獨鳴者欲得佛處者悉欲
得是者當學般若波羅蜜菩薩學般若波羅
蜜者爲悉學餘法須菩提白佛言菩薩爲復
學阿羅漢法耶佛語須菩提雖知阿羅漢法
不樂行也不學阿羅漢所作功德云何當得

也阿羅漢所行菩薩悉知不學不行不於中
住菩薩作是學天下無有能過者悉過阿羅
漢辟支佛上如是爲近薩芸若菩薩作是學
不離般若波羅蜜遠也爲行般若波羅蜜菩
薩作是學於薩芸若法中不增不減離阿羅
漢辟支佛道菩薩若復作是念持是般若波
羅蜜當得薩芸若有小想爲不行般若波羅
蜜亦不有般若波羅蜜之想當持得薩芸若
亦無念亦無見亦無所想爲是行般若波羅
蜜

守行品第二十三

是時釋提桓因在大會中坐作是念菩薩行
十方天下人無有能過者何況自到至佛乎
十方人道難得既得壽命爲安隱有一發意
行佛道者難得何況至心行佛道者乎欲爲
十方天下人作導首者是人難得是時釋提
桓因化作文陀羅華取持散佛上散已作是
說行菩薩道者乃向佛道乎所願悉成爲近
爲悉護作是行者爲悉成佛諸經法薩芸若
經法怛薩阿竭經法悉具足阿惟越致經法

亦爾釋提桓因言人有至心索佛於是法中
一反念終不遠也釋提桓因言我欲使人於
法中益念不厭生死之苦一切天上天下爲
苦用人故悉當忍勤苦之行心作是念諸未
度者悉當度之諸未脫者悉當脫之諸恐怖
者悉當安之諸未般泥洹者悉皆當令般泥
洹釋提桓因問佛言新發意菩薩勸人助其
歡喜得何等福隨次第上菩薩勸人助其歡
喜得何等福乃至阿惟越致上至阿惟顏勸
人助其歡喜得何等福佛語釋提桓因言須

法八

七

彌山稱之尚可知斤兩從勸助代初發意菩薩歡喜其福不可量佛語釋提桓因一佛境界尚可稱知斤兩阿闍浮菩薩行勸人助其歡喜其福無有稱限佛語釋提桓因一佛境界中諸海所有水取一髮破爲百分從中取一分以一分之髮取海水盡尚可數知幾滴也阿惟越致菩薩行勸人助其歡喜其福不可數佛語釋提桓因阿僧祇佛刹所有境界虛空持一斛半斛一斗半斗一升半升尚可量空知幾所阿惟顏菩薩行勸人助其歡喜

其福不可極釋提桓因白佛言爲魔所亂聞是不助歡喜魔官屬人間是不助歡喜者從魔天上來下聞是不助歡喜者何以故若有發意索佛者爲壞魔境界也有發意索佛者當助其歡喜是爲壞魔境界心不離佛不離經不離比丘僧如是當助其歡喜佛語釋提桓因如釋提桓因所言助其歡喜者爲近佛用是助歡喜之功德世世所生處爲人共欲得供養未常有聞惡聲時不恐當歸三惡道常生天上在十方常尊何以故如是人助菩

薩歡喜者爲悉施護十方人何以故初發意
菩薩稍增自致至佛成就作佛已當度脫十
方天下人須菩提白佛言心譬如幻何因當
得佛佛語須菩提於須菩提意云何汝寧見
幻不須菩提言不化幻亦不見幻心離化幻
離幻心雖離是見異法當得佛道不須菩提
白佛言不見也亦不離化幻離幻心亦不見
當得佛亦無法亦無見當說何等法得耶不
得乎是法本無遠離亦本無若得若不得本
無所生亦無有作佛者設無有法亦不得作

佛須菩提白佛言設爾般若波羅蜜離本無
對法離本亦無對亦無證亦無守亦無行亦
無有法當有所得何以故離般若波羅蜜本
無形故本無遠離何因當於般若波羅蜜中
得佛佛者離本無所有何所本無所有當得
佛者佛語須菩提如須菩提所言離本般若
波羅蜜無所有離本薩芸若無所有佛語須
菩提雖知離般若波羅蜜本本亦無所從生
菩薩當作是思惟深入守是故離本無所有
得作佛佛語須菩提雖知離本般若波羅蜜

無所有是爲不守般若波羅蜜不具足行般若波羅蜜者不得作佛也佛言如須菩提所言不用得般若波羅蜜故得佛也亦不用離無離得作佛亦不可離般若波羅蜜得作佛不得般若波羅蜜者不得作佛須菩提白佛言菩薩行般若波羅蜜甚深難及佛語須菩提汝所言菩薩行般若波羅蜜甚深難及菩薩所言勤苦行深奧之法不在取泥洹須菩提白佛言如是所說事菩薩不爲勤苦行也何以故亦無有作證者亦無般若波羅蜜中

得證者亦無有經法得作證者菩薩聞是不恐不怠不難不畏是爲行般若波羅蜜雖作是行亦不見行是爲行般若波羅蜜雖近作佛亦不見是爲行般若波羅蜜遠離羅漢辟支佛亦不見亦不念是爲行般若波羅蜜譬如空中無念若有近若有遠何以故空本無有形故行般若波羅蜜無有離佛遠離佛近何以故般若波羅蜜無有形故譬如幻師作化人化人不作是念師離我近觀人離我遠何以故化人無有形故般若波羅蜜亦如是

永樂北藏

道行般若波羅蜜經

第一八冊

不作是念羅漢辟支佛道離我遠佛道離我近也何以故般若波羅蜜無有形故譬如影現於水中不作是念何因影現於水中若所有近者不念言近若遠者亦不念言遠何以故影無有形故般若波羅蜜如是亦無是念羅漢辟支佛道爲遠耶佛道爲近乎何以故般若波羅蜜無有形故般若波羅蜜適無所愛適無所憎怛薩阿竭所有無所著無所生般若波羅蜜亦如是亦無所生亦無所著譬如怛薩阿竭化作人不作是念羅漢辟支佛

道離我遠亦不言佛道離我近何以故化人無有形故般若波羅蜜亦不作是念羅漢辟支佛道離我遠亦不念佛道離我近何以故般若波羅蜜無有形故譬如工匠黠師刻作機關木人若作雜畜木人不能自起居因對而搖木人不作是念言我當動搖屈伸低仰令觀者歡欣何以故木人本無念故般若波羅蜜亦如是隨人所行悉各自得之雖爾般若波羅蜜亦無形亦無念譬如造作海中大船所以者何作欲度賈客船亦不作是念言

我當度人何以故船本無念故般若波羅蜜亦如是隨人所行悉各自得之般若波羅蜜亦無形亦無念亦如是譬如曠野之地萬物百穀草木皆生其中地亦不作是念言我當生也不生也般若波羅蜜生諸經法亦不念言從中生與不生何以故般若波羅蜜本無形故譬如摩尼珠悉出其寶般若波羅蜜悉出其經法分別教授雖爾般若波羅蜜亦無念譬如日照於四天下其明亦不念言我當悉照也般若波羅蜜悉照諸經法雖爾般若

波羅蜜亦無念譬如水無所不至水亦不作是念言我當有所至般若波羅蜜悉至諸經法雖爾般若波羅蜜亦無念譬如風無所不至風亦不作是念言我當有所至般若波羅蜜成就諸經法亦如是雖爾般若波羅蜜亦無念譬如須彌山顛以忉利天爲莊飾須彌山亦不作是念言我當上治忉利天莊嚴般若波羅蜜成就薩芸若雖爾般若波羅蜜亦無念譬如大海悉出諸珍琦寶物海水不作是念言我當從中出珍寶般若波羅蜜悉出

淡八

十一